

TVRDNJA: "...OHR nije uradio najvažniju stvar: osigurao prijevod Daytonskog mirovnog sporazuma. Već 26 godina nema zvaničnog prijevoda Daytonskog mirovnog sporazuma, Ustava itd. na jezike naroda u BiH, a to je posao OHR-a."

ČINJENICA: Sporazumom o utvrđivanju teksta aneksâ Općeg okvirnog sporazuma za mir (GFAP) na bosanskom, hrvatskom i srpskom jeziku, potpisanim u Parizu 14. prosinca 1995. godine, predviđeno je da će svaka od strana potpisnica GFAP-a francuskoj vladi dostaviti odgovarajuću jezičnu verziju. Francuska vlada je dobila nacrt prijevoda na hrvatski jezik od Republike Hrvatske i na srpski jezik od tadašnje Savezne Republike Jugoslavije.

Međutim, iz Bosne i Hercegovine nije dostavljen nacrt prijevoda na bosanski jezik. Dok to ne bude završeno, engleska verzija teksta aneksâ Općeg okvirnog sporazuma za mir i dalje ostaje jedina zvanična verzija.